



კვლევები/სტატიები

ადგილობრივი საეთერო მაუწყებლების
მიგრაცია ციფრულ საეთერო
პლატფორმაზე

საჯარო სამსახურში კონკურსის
ჩატარების შესახებ კანონმდებლობის
ანალიზი



ინფორმაციის თავისუფლების განვითარების ინსტიტუტმა საქართველოს ეკონომიკისა და მდგრადი განვითარების სამინისტროს შესთავაზა რეგიონული და ადგილობრივი მაუწყებლების ციფრულ საეთერო მაუწყებლობაზე გადასვლის სტრატეგია. ორგანიზაციის მიერ მომზადებულ ახალ კვლევაში “ადგილობრივი საეთერო მაუწყებლების მიგრაცია ციფრულ საეთერო პლატფორმაზე - მდგომარეობის ანალიზი და გამოწვევები” მოცემულია IDFI-ის ხედვები და რეკომენდაციები მიგრაციის პროცესთან დაკავშირებით.

ინფორმაციის თავისუფლების განვითარების ინსტიტუტმა მოამზადა რეკომენდაციები საჯარო სამსახურში კონკურსის ჩატარების წესის მეტად დახვეწასთან დაკავშირებით. მართალია, ამ საკითხში საქართველოს მთავრობის შესაბამისი დადგენილების ძალაში შესვლის შემდეგ ქვეყანაში მნიშვნელოვანი პროგრესი შეინიშნება, მაგრამ საქართველოს კანონმდებლობის საერთაშორისო პრაქტიკასთან (დიდი ბრიტანეთი და ესტონეთი) შედარების პროცესში მაინც გამოიკვეთა სამართლებრივ რეგულაციებში არსებული რიგი ხარვეზებისა.

იხილეთ ბმული

იხილეთ ბმული

Address: 3, Griboedov Street, Tbilisi, 0108, Georgia.
Contact: info@idfi.ge | 00 995 322 921514
Web: www.idfi.ge | www.opendata.ge | Research



IDFI-მ opendata.ge-ზე გამოაქვეყნა სამეგრელო-ზემო სვანეთის რეგიონის ადგილობრივი თვითმმართველობის ორგანოებიდან მისთვის მოწოდებული სხვადასხვა სახის ინფორმაცია. ის,

ძირითადად, რეგიონის სხვადასხვა ქალაქში გაცემულ პრემიებს და იმ ავტოსატრანსპორტო საშუალებების ღირებულებას ეხება, რომლებიც გამგეობების ბალანსზე ირიცხება.

იხილეთ ბმული

2013 წელს სამინისტროების მიერ ჩანაცვლებული ავტომობილები და ტექნიკური მომსახურების ხარჯები

IDFI-მ გამოითხოვა ინფორმაცია იმის შესახებ, თუ რა რაოდენობის და ღირებულების ავტომობილებისა და კომპიუტერული ტექნიკის ჩანაცვლება ხდებოდა სამინისტროებში გამარტივებული შესყიდვების საშუალებით.

ორგანიზაციამ ასევე მიიღო დოკუმენტაცია ავტომობილების ტექნიკურ მომსახურებაზე გაწეული ხარჯების შესახებ.

იხილეთ ბმული

ინფორმაციის ხელმისაწვდომობა თანამდებობიდან განთავისუფლებული მინისტრების უწყებებში

21 ივლისს, პრემიერ-მინისტრის გადაწყვეტილებით, შვიდი მინისტრის თანამდებობიდან განთავისუფლებასთან დაკავშირებით, IDFI-მ კიდევ ერთხელ გამოაქვეყნა საქართველოს სამინისტროებში განხორციელებული საჯარო ინფორმაციის ხელმისაწვდომობის მონიტორინგის შედეგები. ორგანიზაციის შეფასებით, თანამდებობიდან განთავისუფლებული მინისტრების უწყებებმა მნიშვნელოვანი პროგრესი განიცადეს ინფორმაციის ხელმისაწვდომობისა და გამჭვირვალობის თვალსაზრისით.

სამინისტრო	ინფორმაციის ხელმისაწვდომობის მაჩვენებელი
გარემოსა და ბუნებრივი რესურსების დაცვის სამინისტრო	100%
ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო	100%
რეგიონული განვითარებისა და ინფრასტრუქტურის სამინისტრო	100%
სოფლის მეურნეობის სამინისტრო	99,7%
სასაქონლო ურთიერთობებისა და პრობაციის სამინისტრო	90,8%
დისპორის საკითხებში საკითხებში სახელმწიფო მინისტრის აპარატი	74,6%
კულტურისა და ძეგლთა დაცვის სამინისტრო	67,6%

იხილეთ ბმული

მინისტრების და მათი მოადგილეების დიპლომები

IDFI-მ გამოაქვეყნა სამინისტროებიდან მიღებული მინისტრებისა და მათი მოადგილეების უმაღლესი განათლების დამადასტურებელი დოკუმენტაციის ქსეროასლები.

იხილეთ ბმული



ინფორმაციის თავისუფლებისა და განვითარების ინსტიტუტმა მოამზადა და გამოქვეყნა საჯარო ინფორმაციის ხელმისაწვდომობის უზრუნველყოფასა და პროაქტიულ გამოქვეყნებაზე პასუხისმგებელ

პირთა მონაცემთა ბაზა, სადაც მითითებულია როგორც ამ პირთა საკონტაქტო ინფორმაცია, ასევე ის ელ-მისამართები, სადაც ნებისმიერი მოქალაქეს შეუძლია საჯარო ინფორმაციის გამოთხოვა.

[იხილეთ ბმული](#)

2013 წელს სამინისტროების მიერ გაწეული წარმომადგენლობითი ხარჯები

IDFI-მ გამოაქვეყნა სამინისტროებიდან და სახელმწიფო მინისტრის აპარატებიდან გამოთხოვნილი დეტალური მონაცემები წარმომადგენლობითი ხარჯების შესახებ, რომელიც ასევე მოიცავს სხვადასხვა სამინისტროში ყველაზე ძვირადღირებულ ღონისძიებებზე დახარჯული თანხების შესახებ ინფორმაციას. აღნიშნული დოკუმენტაცია ორგანიზაციას მხოლოდ შინაგან საქმეთა სამინისტრომ არ მიაწოდა.

[იხილეთ ბმული](#)


2013 წელს სამინისტროების მიერ გაწეული სამივლინებო და როუმინგის ხარჯები

IDFI-მ გამოაქვეყნა თანამდებობის პირების მიერ 2013 წელს ქვეყნის გარეთ ოფიციალურ და სამუშაო ვიზიტებზე, ასევე, როუმინგულ მომსახურებაზე გაწეული ხარჯების შესახებ სამინისტროებიდან გამოთხოვილი ინფორმაცია.

[იხილეთ ბმული](#)

ქსელური მზაობის ინდექსი

IDFI-მ მოამზადა მსოფლიო ეკონომიკური ფორუმის მიერ გამოქვეყნებული ანგარიშის ანალიზი. ანგარიში საინფორმაციო საკომუნიკაციო ინფრასტრუქტურის განვითარებას და ეკონომიკური წინსვლის ურთიერთმიმართებას წარმოაჩენს. მისი მონაცემებით, საქართველომ, წინა წელთან შედარებით, მნიშვნელოვნად გაიუმჯობესა ქსელური მზაობის ინდექსი.



[იხილეთ ბმული](#)

ელ-მმართველობისა და ელ-ჩართულობის ინდექსი

IDFI-მ მოამზადა გაერთიანებული ერების ორგანიზაციის მიერ 2014 წელს ჩატარებული ელექტრონული მმართველობის კვლევის ანალიზი. კვლევაში მოცემულია საქართველოსა და სხვა, 192 ქვეყნის ელ-მმართველობისა და ელ-ჩართულობის ინდექსები.

[იხილეთ ბმული](#)

სიახლეები

საჯარო ინფორმაციის პროაქტიულად გამოქვეყნების წესი

საქართველოს ეროვნული უშიშროების საბჭომ საჯარო ინფორმაციის პროაქტიულად გამოქვეყნების წესი შეიმუშავა. ამ საკითხში საბჭოს მნიშვნელოვანი დახმარება IDFI -მ გაუწია, რომელთანაც საბჭომ 2014 წლის 24 ივნისს ურთიერთთანამშრომლობის მემორანდუმი გააფორმა. ორგანიზაცია საჯარო ინფორმაციის პროაქტიული გამოქვეყნების და ელექტრონული ფორმით მოთხოვნის საკითხზე დიდი ხანია მუშაობს.



[იხილეთ ბმული](#)

საჯარო სამსახურის რეფორმის კონცეფციის პრეზენტაცია

2014 წლის 1 ივლისს შედგა საჯარო სამსახურის რეფორმის კონცეფციის პრეზენტაცია. მის შემუშავებაში IDFI-მ მნიშვნელოვანი წვლილი შეიტანა. ორგანიზაცია აქტიურად იყო ჩართული G-3-ის მხარდაჭერით განხორციელებულ პროექტში საჯარო სამსახურის რეფორმის გაუმჯობესების და ხელშეწყობის მიმართულებით. ასევე, პროექტის ფარგლებში, IDFI-ის მიერ გამოქვეყნებულ იქნა რამდენიმე კვლევა საჯარო სექტორში არსებული სხვადასხვა საკითხის შესახებ.

[იხილეთ ბმული](#)

IDFI - ის საჩივარი დაკმაყოფილდა

მას შემდეგ, რაც IDFI-მ სასჯელაღსრულების დეპარტამენტისგან ორჯერ გამოითხოვა სხვადასხვა ტიპის ინფორმაცია, თუმცა არც ერთი დაკმაყოფილებულა, ორგანიზაციამ სასჯელაღსრულებისა და პრობაციის მინისტრს გაუგზავნა საჩივრის წერილი, საქვეუწყებო დაწესებულების მიერ საქართველოს კანონმდებლობით გათვალისწინებული ვალდებულებების შეუსრულებლობის შესახებ, რომელიც დაკმაყოფილდა შესაბამისი სტრუქტურების მიერ.

[იხილეთ ბმული](#)


IDFI-ის პასუხი საგარეო საქმეთა მინისტრის განცხადებასთან დაკავშირებით

საგარეო საქმეთა მინისტრმა, მათა ფანჯიკიძემ, IDFI არასაკეთილსინდისიერ საქმიანობაში დაადანაშაულა. საკითხი, ძირითადად, თანამდებობის პირებზე გაწეული სამივლინებო ხარჯების შესახებ გამოქვეყნებულ ინფორმაციას ეხებოდა. ორგანიზაციამ მოამზადა საპასუხო წერილი, რომელშიც მინისტრს საჯარო და ღია მმართველობის პრინციპების საწინააღმდეგო განცხადებებისგან თავის შეკავებისკენ მოუწოდა.

[იხილეთ ბმული](#)

OGP-ის მმართველი კომიტეტის არჩევნები და საქართველო

2014 წელს ღია მმართველობის პარტნიორობის (OGP) მმართველი კომიტეტი არჩევნების გზით პირველად აღნიშნული საქართველო ინფორმაცია სამოქმედო გეგმაში და პროექტებს, რომელშიც IDFI ინფორმაციის მოქალაქის პორტალი პორტალი და შესაბამისად ზრდის ფარგლებში.



დაკომპლექტდება. პოზიციების დასაკავებლად პირველად იყრის კენჭს. ეხება 2014-2015 წლების გაწერილ ამბიციურ მიზნებსა მათ შორის იმ საკითხებს, აქტიურად მონაწილეობს თავისუფლების აქტის მიღება, – ichange.ge-, ღია მონაცემების ელექტრონული არქივები, რაც საქართველოს შანსებს OGP-ის

[იხილეთ ბმული](#)

IDFI-მ დასაქმების ფორუმში მიიღო მონაწილეობა

IDFI-მ ილიას სახელმწიფო უნივერსიტეტის მიერ ორგანიზებულ დასაქმების ფორუმში მიიღო მონაწილეობა, სადაც სტუდენტებს საკუთარი საქმიანობის, ვაკანსიების, მიზნებისა და ამოცანების შესახებ ესაუბრა.

[იხილეთ ბმული](#)

Institute for Development of Freedom of Information (IDFI)
ინფორმაციის თავისუფლების განვითარების ინსტიტუტი (IDFI)

INSTITUTE FOR DEVELOPMENT OF
FREEDOM OF INFORMATION



Address: 3, Griboedov Street, Tbilisi, 0108, Georgia.

Contact: info@idfi.ge | 00 995 322 921514

Web: www.idfi.ge | www.opendata.ge | Research

ინფორმაციის თავისუფლების განვითარების ინსტიტუტი (IDFI) არის არასამთავრობო ორგანიზაცია, რომელიც მუშაობს ღია და დემოკრატიული მმართველობისა და აქტიური სამოქალაქო საზოგადოების განვითარებაზე.

Institute for Development of Freedom of Information (IDFI) is a Georgian civil society organization promoting open government and active civil society.